

इवनिंग डोगरी न्यूज़ बुलेटिन

समे 18:15 Hrs

<><><><><><>

Headlines

- 1.** पूरे जम्मू-कश्मीर च सुरक्षा स्थिति दा जायजा लैने गितै अज्ज उपराज्यपाल हुंदी अध्यक्षता च यू.टी सतह दी इक समीक्षा बैठक शुरु होई।
- 2.** जम्मू-कश्मीर च अमृत भारत स्टेशन दे रुपै च विकसित करने लेई 4 रेलवे स्टेशनें गी चुनेया गया ऐ।
- 3.** केन्द्र सरकार दा आखना ऐ जे जम्मू-कश्मीर च रेल रस्ते दे बिजलीकरण दा 100 प्रतिशत कम्म मुकम्मल करी लैता गेदा ऐ।
- 4.** राष्ट्रीय जांच एजेंसी NIA नै दिल्ली कार धमाके आहले मामले च इक होर आरोपी गी गिरफ्तार कीता ऐ।
- 5.** मौसम विभाग नै 20 ते 21 दिसम्बर गी पच्छमी ब्हाएं च खौददल दे चलदे उप्परले पहाड़ी इलाकें च बर्फबारी दे असार दस्से न।

<><><><><><>

Security Conference

जम्मू-कश्मीर दी सुरक्षा बारे बक्ख-बक्ख पैहलुएं दा जायजा लैने लेई- केन्द्र शासत प्रदेश सतह दा इक सुरक्षा सम्मेलन अज्ज उपराज्यपाल मनोज सिन्हा हुंदी अध्यक्षता च शुरु होआ। एह कांफ्रेंस राष्ट्रीय पुलसै दे महानिदेशकें ते महानिरीक्षकें दी मजूदगी च चलै करदी ऐ। एह कांफ्रेंस जगदी स्थित IIT कैम्पस च शुरु होई- जेहदे च पुलस महानिदेशक नलिक प्रभात हुंदे इलावा पुलस- बी.एस.एफ ते सी.आर.एफ दे महानिरीक्षक ते खूफिया ते होरनें विभागें दे अधिकारी बी हिस्सा लै करदे न। सम्मेलन दौरान समूलचें जम्मू-कश्मीर च सुरक्षा स्थिति ते वबस्थाएं दे बक्ख-बक्ख सब्बनें पैहलुएं पर सोच-विचार कीता जाहग।

<><><><><><>

Amrit Bharat Stns

रेल मंत्रालय नै जम्मू-कश्मीर च “अमृत भारत स्टेशन” स्कीम तैहत नमें सिरेया विकसित करने लेई 4 रेलवे स्टेशनें दी शनाखत कीती ऐ। आकाशवाणी दे जम्मू संवाददाता नै जानकारी दिती ऐ जे इस बारे रेलमंत्री अश्विनी वैष्णव होरें लोकसभा च दस्सेया ऐ जे जम्मू-कश्मीर दे जम्मू तवि- शहीद कैप्टन तुषार महाजन रेलवे स्टेशन उधमपुर- श्री माता वैष्णो देवी दे कटड़ा ते बडगाम रेलवे स्टेशन गी एहदे लेई तालेया गया ऐ। उनें लोकसभा गी जानकारी दिती जे मुख्यै च 160 रेलवे स्टेशनें दा कम्म पूरा होई चुके दा ऐ ते जम्मू-कश्मीर च बी इनें चौनें स्टेशनें पर निर्माण कम्म काफी हद्द तगर पूरा करी लैता गेदा ऐ जिसलै कि बाद्दू सुविधाएं गी जोड़ने दा कम्म चलै करदा ऐ।



Railway Network Electrification

केन्द्र सरकार नै घोषणा कीती ऐ जे जम्मू-कश्मीर च रेलवे दे सारे ब्रॉडगेज़ नैटवर्क पर 100 प्रतिशत बिजलीकरण दा कम्म पूरा करी लैता गेदा ऐ- जेहड़ा जे केन्द्र शासत प्रदेश च रेल ढांचागत विकास दे कम्म च इक मील दा पत्थर ऐ। आकाशवाणी दे जम्मू संवाददाता नै दस्सेया ऐ जे अज्ज लोकसभा च इक सोआलै दे लिखित परते च रेलमंत्री अश्विनी वैष्णव होरें जानकारी दिती ऐ जे मुख्य भरै च रेल रस्ते दे बिजलीकरण दा कम्म मिशन मोड़ च कीता जा'रदा ऐ ते जम्मू-कश्मीर उनें चुनिंदा राज्यें ते केन्द्र शासत प्रदेशें च शामिल ऐ- जित्थे मजूदा ब्रॉडगेज़ पर लाइनें पर बिजलीकरण दा कम्म मुकम्मल करी लैता गेदा ऐ। मंत्री होरें साफ कीता जे पूरे मुख्य च रेल मार्ग गी पूरी चाल्ली बिजली कन्ने चलने आहला बनाने दा मकसद रेल ट्रांसपोर्ट गी मता कुशल बनाना- डीज़ल पर निर्भरता घट्ट करना ते रेलवे गी कुदरत दे अनुकूल बनाना ऐ।



G RAM G Bill

लोकसभा नै विकसित भारत गारंटी फॉर रोजगार एंड आजीविका मिशन ग्रामीण जी राम जी बिल-2025 पास करी दिता ऐ। एह विधेयक 20 बरे पुराने महात्मा गांधी राष्ट्रीय ग्रामीण रोजगार गारंटी कनून मनरेगा 2005 दी थाहर लैग। इस विधेयक दा मकसद विकसित भारत 2047 दे राष्ट्रीय लक्ष्य दे मुजब ग्रामीण विकास ढांचा कायम करना ऐ। इस विधेयक दे तैहत हर इक माली बरे च हर ग्रामीण परिवार गी घट्टो-घट्ट 125 ध्याड़ियें दे रोजगार दी वैधानिक गारंटी दिती जाहग। एहदे च परिवार दे इक बालग जीऽ जेहड़ा अकुशल यानि अनस्किल्ड कम्म करने लेई तयार ऐ उसी मजदूरी दिती जाहग। केन्द्र ते राज्य सरकारें बश्कार पैहा 6-4 दे अनुपात च खर्च कीता जाग। पूर्वोत्तर ते हिमालयाई राज्यें गी छोड़ियै मुख्य दे बाकी सब्बनें राज्यें च एह अनुपात 60 ते 40 दा होग- जिसलै कि पूर्वोत्तर ते हिमालयाई राज्यें च एह अनुपात 90 ते 10 दा होग।



Polio Vaccine (Byte)

राष्ट्रीय टीकाकरण दिवस 2025 तैहत पल्स-पोलियो अभियान जम्मू-कश्मीर च 21 दिसम्बर थमां शुरु होग। इस दौरान 5 बरे तगर दी उमरी दे 19 लक्ख थवां बद्ध बच्चें गी पोलियो दियां बूँदा पलाइयां जागन। घर-घर जाइयै 22 ते 23 दिसम्बर गी ए बूँदा पलाइयां जागन तां जे कोई बी बच्चा खुंजी नैई जा। अधिकारियें दस्सेया ऐ जे करीबन 10 जहार 993 बूथ कायम कीते गे न ते 518 गश्ती दल बी लाए गे न। मीडिया राहें बी इस बारे जागरूकता फैलाई गई ऐ- तां जे जम्मू-कश्मीर गी पोलियो मुक्त रखेया जा। इस बारे होर जानकारी दिंदे होई जम्मू-कश्मीर प्रदेश टीकाकरण अधिकारी Dr. Shahid हुसैन होरें आखेया



NIA -Delhi Blast

राष्ट्रीय जांच एजेंसी NIA नै पिच्छले महीने दिल्ली च होए दे कार बम्ब धमाके आहले मामले च इक होर आरोपी गी गिरफ्तार कीता ऐ। NIA दा आक्खना ऐ जे इस मामले च गिरफ्तार इस 9में आरोपी दी पंछान शोपिया दे बसनीक यासिर अहमद डार दे रुपे च कीती गई ऐ। उसी NIA दी टीम नै दिल्ली थमां गिरफ्तार कीता ऐ।

<><><><><><>

High Court –Vacations

जम्मू-कश्मीर ते लद्दाख हाई-कोर्ट नै 2026 दे स्यालै दी छुट्टियें दी अनूसूची जारी करी दिती ऐ। एह ऑर्डर Registrar General राएं जारी किता गया ऐ- जेदे मुताबक हाई कोर्ट च पैहली जनवरी थमां लेइयै 24 जनवरी 2026 तोड़ी छुट्टियां रौहगंन। इस ऑर्डर च इब्बी स्पष्ट कीता गया ऐ जे जम्मू-कश्मीर हाई-कोर्ट नियम 1999 दे मुताबक मुख न्यायधीश होरें जेड़े जजें गी छुट्टियें आस्तै नामांकित किता ऐ ओह जरूरी कारवाइयें दी सुनवाई आस्तै हाज़र रौहगंन।

<><><><><><>

RTOs/ARTOs-Exe Magistrates

सरकार नै सब्बनै ते RTOs ते ARTOs गी अपने इलाके दी हद्द तगर कारजकारी मैजिस्ट्रेट दे इख्तेयार देई दिते न। आकाशवाणी जम्मू संवाददाता हुंदी रिपोर्ट मुजब एह गैह इस करी पुट्टी गई ऐ तां जे RTOs ते ARTOs अपने इलाकें च सिड़क नियमें दा उल्लंघन करने आहले लोकें उप्पर कारजकारी मैजिस्ट्रेट आहली कड़ी कारवाई करी सकन। इक अधिकारिक अधिसूचना दे मताबक एह फैसला भारतीय नागरिक सुरक्षा संहिता 2023 दी धारा 14 दी उप-धारा इक दे तैहत लैता गया ऐ।

<><><><><><>

Ramban PGKO (Byte)

“प्रशासन गांव की और” अभियान 19 दिसम्बर थमां लेइयै 25 दिसम्बर 2025 तोड़ी चलना ऐ ते रामबन जिला प्रशासन इस सरबंध्य च योजना बनाने- प्रभावी जनसम्पर्क ते शकैतां नबेड़ने आस्तै लग्गे दा ऐ। इस प्रोग्राम च रामबन दे CMO होरें सेहत सरबंध्य कैम्प लोआने आस्तै निर्देश दिते न- तां जे लोकें गी सेहत सरबंध्य सेवा ते चिकित्सा परामर्श मिलन। एहदे इलावा इनें कैम्पें च ABHA Ids दे पंजीकरण दी गिनतरी बी बधाई जाग। तोंआई सेहत विभाग बी सेहत सरबंध्य अभियानें दा लाह लोकें तगर पुजाना यकीनी बनाग ते पी.एम सेहत ते डिजिटल सेहत सरबंध्य अभियान जियां के समाधान पोर्टल गी बढ़ावा देग। इस बारे गल्ल करदे होई रामबन दे CMO Kamal Jee Zadoo होरें आक्खेया

<><><><><><>

सुशासन सप्ताह 2025 दे हेठ “प्रशासन गांव गी ओर” अभियान राजौरी जिले च कल यानि 19 दिसम्बर गी शुरू होआरदा ऐ। राजौरी दे डी.सी. अभिषेक शर्मा होरें अह जानकारी दिती ऐ जे इस सरबंघै च सारी जरूरी तयारियां पूरी होई चुकी दियां न। उनें आखेया जे जिले दे बक्ख-बक्ख ब्लॉक च कुल 43 कैम्प लोआये गे न ते अधिकारियें गी बी उंदे आयोजन आस्तै तैनात करी दिता गया ऐ। डी.सी. होरें लोकें अगगे अपील कीती ऐ जे ओह अगगे औन ते इनें कैम्पें थमां बदो-बद लाह लैन। आकाशवाणी कन्ने गल्ल करदे होई- डी.सी अभिषेक शर्मा होरें आखेया

<><><><><><>

Weather

मकामी मौसम विभाग नै जम्मू-कश्मीर दे किश हिस्से च औने आहले दिनें च हलकी थमां दरमयाने दर्जे दी बर्फबारी ते बरखा पौने दे असार दस्से दे न। आकाशवाणी जम्मू संवाददाता हुंदी रिपोर्ट मुजब मौसम विभाग नै अज्जे थमां कल तोड़ी जम्मू-कश्मीर च बदोकड़ा मौसम रौहने ते उत्तरी ते मध्य-कश्मीर दी पहाड़ियें उप्पर हलकी बर्फबारी होने दे असार दस्से दे न ते 20 दिसम्बर चिरे रातीं ते 21 दिसम्बर दी दपैहर गी जम्मू खिते दे मैदानी इलाकें च हलकी बरखा ते कश्मीर खिते दी पहाड़ियें उप्पर हलकी थमां दरमयानें दर्जे दी बर्फबारी होने दी संभावना बी दस्सी दी ऐ।

<><><><><><>